



Na osnovu člana 17. stav 1. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07, 15/08, 63/23, 9/24 i 50/24), a u vezi sa članom 61a. i 62. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21, 1/22, 26/23, 83/23, 9/24, 27/24 i 72/24), Visoko sudsko i tužilačko vijeće Bosne i Hercegovine (u daljem tekstu: Vijeće), u sastavu tužilac Sanin Bogunić, predsjednik Vijeća, sudija Sanela Gorušanović - Butigan i sudija Velimir Ninković, potpredsjednici Vijeća, te sudija Izo Tankić, sudija Aleksandra Obradović, tužiteljica Bojana Jolović, tužiteljica Snježana Petković, sudija Sedin Idrizović, sudija Obren Bužanin, tužilac Saša Sarajlić, prof. dr. Džamna Vranić, tužiteljica Željka Fabić, advokatica mr Duška Bogojević, advokat dr. sc Davor Martinović, advokatica Elma Veleđar Arifagić, na sjednici održanoj 24. i 25.09.2025. godine, donijelo je

R J E Š E N J E

o imenovanju sudije Osnovnog suda u Prijedoru

- I. Za sudiju Osnovnog suda u Prijedoru imenuje se **Majkić Marko**.
- II. Datum stupanja na dužnost imenovane Vijeće će odrediti posebnom odlukom.

O b r a z l o ž e n j e

Na osnovu člana 36. Zakona o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) i člana 33. i 34. Poslovnika Visokog sudskog i tužilačkog vijeća Bosne i Hercegovine (u daljem tekstu: Poslovnik VSTV-a BiH), Vijeće je na internet stranici dana 07.11.2024. godine objavilo javni konkurs pod brojem: 04-07-3-4035-1/2024, kojim su oglašene četiri (4) pozicije sudije Osnovnog suda u Prijedoru.

Nakon provedene konkursne procedure, nadležno podvijeće je u skladu sa članom 59b. st. (1), (2) i (4)), a u vezi sa članom 60. Poslovnika VSTV-a BiH izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Vijeće je donijelo odluku o poništenju jedne pozicije sudije Osnovnog suda u Prijedoru, iz razloga što je predsjednica Osnovnog suda u Prijedoru naknadno obavijestila Vijeće da su u navedenom sudu trenutno upražnjene tri pozicije sudije, te da će jedna pozicija biti upražnjena početkom 2026. godine, usljed najavljenog odlaska sudije tog suda u penziju.

Također, Vijeće je, za dvije pozicije sudije Osnovnog suda u Prijedoru, donijelo odluku o ponavljanju konkursa.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o VSTV-u BiH i Poslovnikom VSTV-a BiH, Vijeće je odlučilo da za prvu oglašenu poziciju sudije Osnovnog suda u Prijedoru imenuje kandidata na rang listi pod rednim brojem 2 Majkić Marka iz reda srpskog naroda, koji od 08.06.2015. godine obavlja poslove stručnog saradnika u Osnovnom sudu u Prijedoru

Vijeće je prilikom imenovanja navedenog kandidata imalo u vidu da je prvorangirana kandidatkinja prethodno imenovana za sudiju Osnovnog suda u Banja Luci na istoj sjednici.

Prije toga, imenovani kandidat je od 2013. g. do 2015. g. obavljao poslove pravnog saradnika, dok je od 2010.g. do 2012.g. obavljao pripravnčki staž u Osnovnom sudu u Prijedoru.

Vijeće je, ocijenilo da imenovani kandidat u potpunosti ispunjava uslove za imenovanje propisane u članu 43. Zakona o VSTV-u BiH.

Kriteriji stručnosti i sposobnosti pravne analize imenovanog kandidata, utvrđeni su na osnovu rezultata kvalifikacionog i pismenog testiranja u skladu sa propisima koji reguliraju postupak kvalifikacionog i pismenog testiranja, dok su ostali kriteriji, koji se odnose na sposobnost kandidata da odgovorno, nezavisno i nepristrasno obavlja funkciju za koju se prijavio, profesionalne nepristrasnosti i ugleda, te ponašanja van posla, dosadašnjeg radnog iskustva kandidata, edukacije i usavršavanja, objavljivanja stručnih i naučnih radova, te drugih aktivnosti u struci i komunikativnosti utvrđeni na razgovoru pred nadležnom komisijom Vijeća, kojom prilikom je svaki član komisije nezavisno bodovao kriterije, kako je to propisano u čl. 54., 54a., 54d., 54e. i 54f. Poslovnika VSTV-a BiH.

Kada je u pitanju broj ostvarenih bodova, Vijeće je imalo u vidu da je imenovani kandidat u toku konkursne procedure, u pogledu bodova za kriterij stručnosti i sposobnosti pravne analize ostvario ukupno 92,75 bodova od mogućih 100 bodova, dok je na razgovoru pred nadležnom komisijom Vijeća u pogledu drugih kriterija ostvario ukupno 13 bodova od mogućih 20 bodova, što ga je u konačnici rangiralo na drugom mjestu rang liste kandidata sa ukupno ostvarenih 105,75 bodova od mogućih 120 bodova.

Pored ukupnog broja ostvarenih bodova, na osnovu kojih je kandidat u skladu sa čl. 59a. stav (1) tačka a) i 59b. st. (2) i (4) Poslovnika VSTV-a BiH stekao uslove za predlaganje i imenovanje na poziciju sudije osnovnog suda, Vijeće je vodilo računa o okolnostima koje su relevantne za procjenu podobnosti kandidat iz člana 48a. ovog poslovnika, kao i o potrebi osiguranja adekvatne nacionalne i spolne zastupljenosti u navedenom sudu, u smislu člana 43. stav (2) Zakona o VSTV-u BiH.

Vijeće je prilikom imenovanja navedenog kandidata ocijenilo da ne postoje okolnosti koje izazivaju sumnju u pogledu podobnosti kandidata za poziciju za koju se prijavio.

Adekvatna nacionalna zastupljenost u konkretnom sudu utvrđena je na osnovu popisa stanovništva iz 1991. godine. Nacionalna struktura 16 sudija, prema popisu stanovništva iz 1991. godine, bi trebala biti: Bošnjaci (2,5), Hrvati (1,7), Srbi (10,3), Ostali (1,5). Trenutna nacionalna struktura 13 sudija, sa uključenim odlukama Vijeća o imenovanju donesenim nakon 01.03.2025. godine: Bošnjaci (3), Hrvati (2), Srbi (7), Ostali (1). Prema prethodno navedenoj nacionalnoj strukturi u Osnovnom sudu u Prijedoru nedostaje kandidata iz reda bošnjačkog naroda (- 3,0), srpskog naroda (- 0,8) i ostalih (- 0,3), dok je kandidata iz reda hrvatskog naroda (1,0).

Uzimajući u obzir sve prethodno navedeno, Vijeće je primjenom kriterija iz člana 43. st. (1) i (2) Zakona o VSTV-u BiH, a u vezi sa okolnostima iz člana 59b. stav (5) i člana 61. Poslovnika VSTV-a BiH ocijenilo da je imenovani kandidat u potpunosti ispunio zakonom propisane uslove, kao i druge kriterije koji se cijene prilikom izbora kandidata, kako bi bio imenovan na poziciju sudije Osnovnog suda u Prijedoru.

U skladu sa članom 86. stav (8) Zakona o VSTV-u BiH sudija ili tužilac koji je prvi put imenovan na funkciju u pravosuđu, početni izvještaj dostavlja u roku od 30 dana od dana imenovanja na funkciju.

U pogledu stava II. dispozitiva ovog rješenja o stupanju na dužnost imenovanog, isto se odgađa do okončanja dodatne provjere iz člana 86d. stav 6) Zakona o VSTV-u BiH, odnosno do okončanja upravnog spora, ukoliko je pokrenut protiv rješenja o imenovanju.

Ovo rješenje će biti objavljeno na internet stranici Vijeća, shodno članu 44. stav (1) Zakona i članu 62. stav (4) Poslovnika VSTV-a BiH, uz naznaku datuma objave od kojeg počinje teći rok za podnošenje tužbe.

Imajući u vidu sve iznesene razloge, Vijeće je odlučilo kao u izreci ovog rješenja.

JAVNO

Pouka o pravnom lijeku: Protiv ovog rješenja može se pokrenuti upravni spor pred Sudom Bosne i Hercegovine u roku od osam dana od dana objavljivanja rješenja o imenovanju na internet stranici Vijeća.

Broj: 04-07-3-3297-1/2025

Datum: 25.09.2025. godine



